



DEPUTACION PROVINCIAL DA CORUÑA
SERVIZO DE PATRIMONIO E CONTRATACION



AGAG
Asociación Galega de Guionistas

Número 89 /2018

CONVENIO ENTRE A DEPUTACIÓN PROVINCIAL DA CORUÑA E A ASOC SINDICAL GALEGA DE GUIONISTAS PARA FINANCIAR AS ACTIVIDADES FORMATIVAS ORGANIZADAS CON MOTIVO DO 5º ENCONTRO DE GUIONISTAS DURANTE O ANO 2017.

Na Coruña, a 21 de novembro de 2018

REUNIDOS

Dona Goretti Sanmartín Rei, Deputada de Cultura e Normalización Lingüística, en virtude da resolución da Presidencia núm. 29081, do 23 de decembro de 2015, pola que se lle delega a competencia para asinar convenios da súa área en representación da Deputación Provincial da Coruña.

Don Nicolás Caitano Campos Ripoll con DNI 44824634A en representación da Asoc. Sindical Galega de Guionistas.

EXPOÑEN

- 1.- AGAG, Asociación Sindical Galega de Guionistas, é unha asociación profesional sen ánimo de lucro, fundada en 1997, co obxectivo de defender os intereses dos guionistas do sector audiovisual en Galicia. O 26 de outubro de 2016 constitúese como asociación sindical.
- 2.- A Asociación ten entre os seus principais obxectivos representar os intereses dos membros da asociación a nivel laboral, profesional, social, económico e cultural, representar os intereses dos guionistas nos foros nos que se tomen decisións, loitar pola visibilidade do guionista e do seu traballo e difundir social e culturalmente a profesión de guionista e a súa tarefa.
- 3.- No 2017 celébrase o 5º Encontro de Guionistas por primeira vez en Galicia, sendo a sede do mesmo Santiago de Compostela. Na organización deste 5º Encontro participarán todas as asociacións de guionistas do estado, cun papel especialmente activo da anfitriona AGAG que asumirá a organización e xestión das actividades formativas.
- 4.- Que, co obxecto de facer efectiva a súa colaboración, ambas institucións acordan suscribir o presente convenio, con arreglo ás seguintes

CLÁUSULAS

I.- Obxecto.

O presente convenio ten por obxecto establecer as bases de concesión duna subvención nominativa da Deputación Provincial da Coruña á Asoc. Sindical Galega de Guionistas (NIF: G15591993) para financiar as *Actividades Formativas do 5º Encontro de Guionistas durante o ano 2017* de acordo co seguinte programa:

Xoves 2 de novembro de 2017

19:30

Guións que traspasan fronteiras. Conversación con Sergio G. Sánchez

Modera Ana Horraetxea, presidenta de FAGA

Venres 3 de novembro de 2017

10:30

A Evolución do FilmarketHub. Andrea Giannone. Directora de FilmarketHub.

10:55

Conecta Fiction: unha porta ao mercado internacional. Géraldine Gonard. Directora de Conecta Fiction

11:20

Tendencias narrativas nas series internacionais 2017-2018. Concepción Cascajosa, Directora do Máster en Guión de Cine e TV Uc3M/ALMA.

11:40

Convenio Colectivo. A situación actual. Tomás Rosón, avogado de ALMA e Ramón Rey, avogado de FAGA.

12:20

O ano das plataformas. As creacións de Movistar series. Susana Herreras, responsable de Desenvolvemento de Series Orixinais en Movistar+.

12:45

O ano das plataformas. Escribir para Movistar+. Rafael Cobos, guionista e cocreador de "La Peste".

13:10

O ano das plataformas. Escribir para Netflix. "Las chicas del cable". Gema R. Neira, Directora do departamento de Desenvolvemento de Bambú Producciones.

13:35

Do libro á serie. "Fariña". Diego Sotelo, guionista de "Fariña".

14:00

Do libro á pantalla. Un camiño de ida e volta. Carlos G. Miranda, guionista e novelista.

16:00

Os extremos se tocan: do guión á montaxe. Alberto Marini, guionista de "El Desconocido" e Jorge Coira, montador de "El Desconocido".

Modera Enrique Lojo, guionista e membro da xunta directiva de AGAG.

16:40

A experiencia dunha guionista con representante. Alicia Luna.

17:05

Animando a Buñuel. Eligio R. Montero, guionista da longametraxe de animación "Buñuel en el laberinto de las Tortugas".

17:35

A situación do guionista en Europa. David Kavanagh, Director Executivo da Federation of Screenwriters in Europe (FSf).

Modera Teresa de Rosendo, guionista e membro da xunta directiva de ALMA.

18:40

Storytelling político: ¿hai guión tras un discurso? Jacobo Delgado, guionista e speechwriter

XI.- Reintegro, infraccións e sancións.

1.- O incumprimento dalgunha das cláusulas previstas no presente convenio de colaboración poderá implicar a obriga de reintegro parcial ou total dos fondos recibidos, así como ao pago dos xuros de demora que se perciban dende o día no que se realizou o pagamento ata o momento no que se acorde a procedencia do reintegro. O procedemento de reintegro iniciárase de oficio na súa tramitación seguirase o disposto nos artigos 41 e seguintes da Lei 38/2003, de 17 de novembro, Xeral de subvencións e nos artigos 91 e seguintes do seu Regulamento (R.D. 887/2006, do 21 de xullo), dándolle en todo caso audiencia ao interesado.

2.- Sen prexuízo do anterior, dito incumprimento tamén poderá ser constitutivo dalgunha das infraccións tipificadas na Lei 38/2003, de 17 de novembro, ou na Lei 9/2007, de 13 de xuño, de subvencións de Galicia, séndolle de aplicación o cadro de sancións previstos nas normas citadas e na Ordenanza provincial reguladora do control financeiro de subvencións e dos procedementos de reintegro e sancionadores derivados (BOP nº 116 de data Luns, 22 de xuño do 2.015).

3.- Para os supostos de retraso na realización das actividades ou retraso na presentación da xustificación se estará ao disposto na Ordenanza provincial reguladora do control financeiro de subvencións e dos procedementos de reintegro e sancionadores derivados (BOP nº 116 de data Luns, 22 de xuño de 2015).

XII.- Incorporación ao rexistro público de subvencións e publicación da subvención concedida.

1.- No cumprimento do disposto no artigo 20.1 da Lei 38/2003, xeral de subvencións, e demais normativa de desenvolvemento, os datos da subvención concedida e a identificación da Asoc Sindical Galega de Guionistas serán remitidos á Intervención xeral do Estado, para que sexan incorporados á Base de Datos Nacional de Subvencións, coa exclusiva finalidade prevista no dito precepto e co debido respecto á protección dos datos de carácter persoal, segundo o previsto na Lei orgánica 15/1999, de 13 de decembro, en tanto non se opoña ao Regulamento (UE) 2016/679 do Parlamento Europeo e do Consello de 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se Derroga a Directiva 95/46/CE (Regulamento Xeral de Protección de Datos).

2.- Asemade, no cumprimento do disposto no artigo 16.3 da Lei 9/2007, de 13 de xuño, de subvencións de Galicia, a Deputación remitiralle a mesma información á Consellería de Economía y Facenda, co fin de que a incorpore ao rexistro público de axudas, subvencións e convenios da Comunidade Autónoma de Galicia.

3.- Segundo o previsto no artigo 18 da Lei 38/2003, de 17 de novembro, xeral de subvencións, a concesión da subvención á Asoc Sindical Galega de Guionistas será publicada no Boletín Oficial da Provincia da Coruña e na páxina web dacoruna.gal.

4.- Un exemplar deste convenio, debidamente asinado, será incorporado ao rexistro de convenios que depende do Servizo de Contratación da Deputación.

XIII.- Vixencia do convenio, prórroga ou modificación.

1.- O prazo de vixencia do presente convenio finalizará o **31 de decembro de 2018** e terá efectos retroactivos, polo que as actividades contempladas nel poderán terse realizadas dende o 1 de xaneiro de 2017.

Esta vixencia queda subordinada á existencia do crédito adecuado e suficiente que para o Exercicio de 2019 autorice o correspondente Orzamento.

2.- Previa solicitude da Asoc Sindical Galega de Guionistas, realizada alomenos dous meses antes da data do fin do prazo, o convenio poderá ser prorrogado por acordo expreso de ambas as dúas partes, e previos os informes preceptivos da Unidade xestora, do Servizo de Patrimonio e Contratación, da Secretaría e da Intervención da Deputación.

3.- Tamén por acordo expreso de ambas as dúas partes e por causa debidamente xustificada, e previos os mesmos informes indicados no apartado anterior, o convenio poderá ser obxecto de modificación.

XIV.- Natureza, interpretación, modificación e xurisdicción competente.

1.- O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, de 18 de novembro, xeral de subvencións, e na Lei 9/2007, de 13 de xuño, de subvencións de Galicia; supletoriamente aplicárase a lexislación de contratos do sector público.

2.- A interpretación das dúbidas e lagoas que poidan xurdir na aplicación do presente convenio corresponderalle ao Presidente da Deputación, previos os informes preceptivos da Unidade xestora, da Secretaría e da Intervención provincial.

3.- Corresponderalle aos órganos da xurisdicción contencioso-administrativa, segundo a distribución de competencias prevista na Lei 29/1998, de 13 de xullo, reguladora de dita xurisdicción, o coñecemento das cuestións litixiosas que poidan xurdir como consecuencia do presente convenio.

Faise constar que o presente convenio foi aprobado por Acordo Plenario do día 26 de outubro de 2018

E, en proba de conformidade, as partes comparecentes asinan en exemplar cuadruplicado o presente convenio, no lugar e data indicados no encabezamento.

O PRESIDENTE DA DEPUTACIÓN PROVINCIAL DA CORUÑA,
PD. Deputada de Cultura e Normalización Lingüística

Asdo.: Dona Goretti Sanmartín Rei

O REPRESENTANTE DA ASOC. SINDICAL GALEGA DE
GUIONISTAS

Asdo.: Nicolás Caitano Campos Ripoll

O SECRETARIO XERAL
DA DEPUTACIÓN PROVINCIAL DA CORUÑA

Asdo.: José Luis Almaraz Supervía

Sábado 4 de noviembre de 2017

- 10:15 *O guionista de reality. Amalio Rodríguez, guionista de “El Puente” en #0 e desarrollador do formato.*
- 10:40 *¿Cabe a memoria histórica na parrilla? Trinxeres. Carles Costa.*
- 11:05 *Formatos autonómicos de éxito. Gandalf Gambarte, codirector e guionista do programa de TVG “Land Rober Tunai Show”.*
- 11:30 *Presentación dunha proposta de modificación do reparto de dereitos. Natxo López, Xunta directiva de ALMA e Eduard Sola, Xunta directiva de FAGA.*
- 11:50 *O Estatuto do Creador. Carlos Ares, presidente da Academia Galega do Audiovisual e Curro Royo, ponente de ALMA no Congreso.*
- 12:35 *Pervivencia das series diarias. Aurora Guerra. “El secreto de Puente Viejo”, “Acacias 38” e Verónica Fernández “Seis Hermanas”, “Ciega a Citas”.
Modera Mercedes Cruz.*
- 13:15 *Go!Azen e Merli: a experiencia nas autonómicas. Xabi Zabaleta “Go!Azen” e Héctor Lozano “Merli”.
Modera Nicolás Campos, presidente de AGAG e da Asociación Encuentro de Guionistas.*
- 14:00 *O guionista na fin do mundo; inspirarse en lugares extremos. Miguel Barros.*
- 16:00 *Mesa CIMA: mulleres que escriben comedia. Olatz Arroyo: “Allí Abajo”, “Aida”, “Yo soy Bea” e Marta Sánchez: “Allí Abajo”, “Aida”, “7 vidas”.*
- 16:45 *Pitch de éxito: “Es por tu bien”. Josep Gatell e Manuel Burque.*
- 17:15 *A min tamén pasoume. Experiencias na orixe de Bloguionistas. Dani Castro e Natxo López, co-fundadores de Bloguionistas.*
- 18:00 *O fenómeno dos podcasts. O gran apagón. José Antonio Pérez.*
- 18:25 *Serie documental: “Muerte en León”. Justin Webster*
- 18:45 *Tweet-thriller: ¿outo xeito de contar historias? Manuel Bartual*

II.- Orzamento da actividade a realizar pola entidade beneficiaria.

As actividades realizaranse de acordo co seguinte orzamento:

Traducións	2.047,09
Desprazamentos	1.156,00
Honorarios ponentes	835,07
Técnico	726,00
Xestoría	242,00
Azafatas	653,40
Prensa	800,00
Fotógrafo	363,00
Total orzamento	6.822,56

III.- Financiamento provincial e outros ingresos que se obteñan ou aporten para a mesma finalidade.

- 1.- A Deputación Provincial da Coruña contribuirá ao financiamento da actividade, tal como se define na cláusula primeira, cunha achega máxima de 4.700,00 €, o que representa unha porcentaxe do 68,889 %.
- A cantidade restante, ata alcanzar o importe total do orzamento da actividade, está financiada con cargo a recursos propios ou alleos, acreditando a entidade beneficiaria que ten consignado o crédito axeitado é suficiente para imputar a totalidade do gasto correspondente á entidade.
- No caso de que o gasto xustificado non acadase o importe total previsto na cláusula segunda, a Deputación só achegará o importe que represente o 68,889 % da cantidade efectivamente xustificada.
- 2.- Agora ben, se a cantidade xustificada resulta inferior ao 75 % do orzamento previsto na cláusula segunda, entenderase que a finalidade básica da subvención non foi cumprida e perderase o dereito ao seu cobro.
- 3.- O importe do financiamento provincial farase efectivo con cargo á aplicación orzamentaria 0612/3343/481, na que a Intervención provincial ten certificado que existe crédito dabondo sobre a que se ten contabilizado a correspondente retención de crédito.
- 4.- A subvención da Deputación é compatible coa percepción doutras subvencións ou axudas, públicas ou privadas, que a Asoc Sindical Galega de Guionistas obteña para a mesma finalidade, sempre que o seu importe, xuntamente co da subvención provincial, non supere en ningún caso o importe total do gasto efectivamente xustificado.
- 5.- No caso de que a concorrencia de axudas ou subvencións supere o importe do gasto efectivamente xusticado, minorarase a aportación provincial no importe necesario para darlle estricto cumprimento ao apartado anterior.

IV.- Contratación da execución.-

- 1.- O outorgamento dos contratos de servizos, asistencia ou subministrados necesarios para a execución da actividade corresponderalle á Asoc Sindical Galega de Guionistas.
- Non se poderá contratar a realización de prestacións con persoas ou entidades vinculadas á Asoc Sindical Galega de Guionistas, nin con calquera outra na que concorran algunha das circunstancias ás que se refire o artigo 29.7 da Lei 38/2003, de 17 de novembro, xeral de subvencións.
- 2.- Se o importe dalgunha das prestacións supera 15.000 euros, con carácter previo á contratación, a Asoc Sindical Galega de Guionistas deberá solicitar alomenos tres orzamentos a distintos provedores; entre as ofertas recibidas, deberase elixir unha delas de acordo con criterios de eficiencia e economía, debendo xustificarse expresamente nunha memoria a elección cando non recaia sobre a oferta máis vantaxosa economicamente.

V.- Publicidade do financiamento provincial.

- 1.- Na publicidade pola que se dea a coñecer a realización das actividades, ben sexa por medios escritos, radiofónicos, audiovisuais ou internet, deberase facer constar sempre o financiamento da Deputación Provincial da Coruña.

- 2.- Coa memoria e conta xustificativa achegaranse os documentos que acrediten o cumprimento desta obriga da Asoc Sindical Galega de Guionistas.

VI.- A xustificación necesaria para recibir a achega provincial.

A achega da Deputación seralle abonada á Asoc Sindical Galega de Guionistas unha vez que se presente de xeito telemático (a través da plataforma subtel) a seguinte documentación:

- Memoria de actuación, suscrita polo representante da Asoc. Sindical Galega de Guionistas, xustificativa do cumprimento das condicións impostas neste convenio, coa indicación das actividades realizadas e dos resultados obtidos.
- Relación clasificada dos gastos realizados (con IVE e sen IVE), no que se indiquen os acredores co seu NIF, os documentos xustificativos, os importes e, no seu caso, datas de pago; tamén se indicarán as desviacións con respecto ao orzamento detallado na cláusula segunda.

Con esta relación achegarase copia das facturas e demais xustificantes de gasto.

Os gastos e as correspondentes facturas referiránse exclusivamente ás actividades realizadas durante o ano 2017.

- Certificación da aprobación das facturas e demais documentos xustificativos polo órgano competente.
- Acreditación do cumprimento das obrigas tributarias e coa Seguridade Social, segundo o previsto na cláusula oitava.
- Declaración doutras axudas ou subvencións solicitadas ou concedidas para a mesma finalidade.
- Declaración de si a entidade está ou non exenta do IVE.
- Certificación da conta bancaria, segundo o modelo aprobado pola Deputación.
- Acreditación do cumprimento das obrigas asumidas na cláusula quinta, mediante a aportación de documentos nos que conste a publicidade do financiamento provincial.

VII.- Termo para a realización da actividade e prazo de xustificación.

- 1.- As actividades que son obxecto de financiamento provincial, tal como están descritas na cláusula primeira deberán estar rematadas o **31 de decembro de 2017**.
- 2.- Unha vez rematadas as actividades, a Asoc. Sindical Galega de Guionistas deberá presentar a xustificación documental á que se refire a cláusula sexta antes do **31 de decembro de 2018**.
- 3.- De conformidade co disposto no artigo 70.3 do Regulamento da Lei de subvencións (Real decreto 887/2006, do 21 de xullo), transcorrido este derradeiro prazo sen que se teña recibido xustificación ningunha, a Unidade xestora remitiralle un requerimento á Asoc Sindical Galega de Guionistas para que a presente no prazo improrrogable de **quinze días**.
- A falla de xustificación da subvención neste prazo excepcional conllevará a perda da subvención e demais responsabilidades previstas neste convenio e na lexislación aplicable ao respecto. Aínda así, a presentación da xustificación neste prazo adicional non eximirá á Asoc Sindical Galega de Guionistas da sanción que, de conformidade co disposto na Lei de subvencións e na Ordenanza provincial reguladora do control financeiro de subvencións e dos procedementos de reintegro e sancionadores derivados (BOP nº 116 de data Luns, 22 de xuño do 2.015), lle poida corresponder.
- 4.- O abono da subvención materializarase mediante ingreso na conta da entidade financeira indicada pola Asoc. Sindical Galega de Guionistas na documentación aportada; e se tiveran transcorridos máis de catro meses dende a axeitada e correcta xustificación dos compromisos adquiridos sen que tivera cobrado o importe que lle corresponda, a Asoc. Sindical Galega de Guionistas terá dereito ao abono dos xuros de demora, ao tipo de interés legal, que se devenguen dende a finalización do prazo de catro meses ata o momento no que se faga efectivo o pagamento.

VIII.- Acreditación do cumprimento das obrigas tributarias e coa Seguridade Social.

- 1.- A Asoc Sindical Galega de Guionistas deberá acreditar, con carácter previo á sinatura deste convenio e logo, con carácter previo ao pago da subvención, que se atopa ao día no cumprimento das obrigas tributarias coa Administración do Estado, coa Comunidade Autónoma e coa Seguridade Social; e, para tal fin poderá autorizar á Deputación a que obteña telemáticamente os correspondentes certificados.
- 2.- A acreditación do cumprimento das obrigas tributarias coa Deputación Provincial determinarase de oficio por ésta.

IX.- Destino e manexo dos fondos recibidos.

- 1.- A Asoc Sindical Galega de Guionistas destinará os fondos recibidos ao pagamento dos xustificantes de gasto presentados.
- 2.- Co fin de garantir un axeitado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia da data de pago e da identidade do perceptor; só excepcionalmente se poderá realizar o pago en metálico para gastos de ata 150 €, nos que non resulte posible a utilización dun dos medios anteriormente indicados.
- 3.- Sen prexuízo dos libros e rexistros contables que as normas xerais ou sectoriais lle poidan impor, a Asoc. Sindical Galega de Guionistas deberá contar alomenos cun rexistro cronolóxico de cobros e pagamentos nos que se inclúan, entre outros, os relativos aos gastos xustificadas e aos ingresos declarados con respecto a esta subvención.

X.- Control financeiro da Deputación e dos órganos de control externo.

- 1.- Consonte ao disposto nos artigos 44 e seguintes da Lei 38/2003, de 17 de novembro, xeral de subvencións, e nos artigos 41 e seguintes da Lei 9/2007, de 13 de xuño, de subvencións de Galicia, a Asoc. Sindical Galega de Guionistas poderá ser escolleita pola Intervención provincial para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de tódalas demais obrigas formais e materiais que lle impón o presente convenio de colaboración.
- 2.- Asemade, de acordo co previsto na lei 6/1985, de 24 de xuño, do Consello de Contas de Galicia, a Asoc Sindical Galega de Guionistas queda sometida aos procedementos de fiscalización que leven a cabo o Consello de Contas de Galicia ou, no seu caso, segundo o previsto na Lei orgánica 2/1982, de 12 de maio, aos procedementos de enxuciamiento contable que poida incoar o Tribunal de Contas, e a calquera outro órgano de control, nacional ou europeo.